

TILSKIPUN RÁÐSINS 93/121/EB

frá 22. desember 1993

um breytingu á tilskipun 91/494/EBE um skilyrði á sviði heilbrigðis dýra sem hafa áhrif á viðskipti innan bandalagsins og innflutning á nýju alifuglakjöti frá þriðju löndum

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins, einkum 43. gr.,

með hliðsjón af tillögu framkvæmdastjórnarinnar ⁽¹⁾,með hliðsjón af álitum Evrópuþingsins ⁽²⁾,með hliðsjón af álitum efnahags- og félagsmálanefndarinnar ⁽³⁾,

og að teknu tilliti til eftirfarandi:

Í 1. lið þáttar A í 3. gr. tilskipunar ráðsins 91/494/EBE frá 26. júní 1991, um skilyrði á sviði heilbrigðis dýra sem hafa áhrif á viðskipti innan bandalagsins og innflutning á nýju alifuglakjöti frá þriðju löndum ⁽⁴⁾, er kveðið á um reglur um bólusetningu gegn Newcastle-veiki á upprunahópum vegna alifuglakjöts sem er ætlað aðildarríkjunum eða svæðum aðildarríkja sem hafa verið viðurkennd samkvæmt 2. mgr. 12. gr. tilskipunar ráðsins 90/539/EBE frá 15. október 1990 um skilyrði á sviði heilbrigðis dýra sem hafa áhrif á viðskipti innan bandalagsins og innflutning á alifuglum og útungunareggjum frá þriðju löndum ⁽⁵⁾.

Nauðsynlegt er að setja reglur um bólusetningu gegn Newcastle-veiki sem skulu gilda frá 1. janúar 1993 um viðskipti með nýtt alifuglakjöt sem er ætlað aðildarríkjunum eða svæðum aðildarríkja sem hafa verið viðurkennd samkvæmt 2. mgr. 12. gr. tilskipunar 90/539/EBE.

Ráðið hefur samþykkt tilskipun 92/66/EBE ⁽⁶⁾, um ráðstafanir bandalagsins vegna eftirlits með Newcastle-veiki, og tilskipun 92/40/EBE ⁽⁷⁾, um ráðstafanir bandalagsins vegna eftirlits með fuglainflúensu, og af þeim sökum er unnt að einfalda tilskipun 91/494/EBE.

Æskilegt er að gefa kost á því að unnt sé að nota annað merki en sérmerkið sem um getur í 5. gr. tilskipunar 91/494/EBE.

Nauðsynlegt er að breyta viðskiptareglum sem gilda um þriðju lönd til að tryggja að þær svari til þeirra sem gilda

⁽¹⁾ Stjtuð. EB nr. C 89, 31. 3. 1993, bls. 8.

⁽²⁾ Stjtuð. EB nr. C 176, 28. 6. 1993, bls. 26.

⁽³⁾ Stjtuð. EB nr. C 201, 26. 7. 1993, bls. 50.

⁽⁴⁾ Stjtuð. EB nr. L 268, 24. 9. 1991, bls. 35.

⁽⁵⁾ Stjtuð. EB nr. L 303, 31. 10. 1990, bls. 6.

⁽⁶⁾ Stjtuð. EB nr. L 260, 5. 9. 1992, bls. 1.

⁽⁷⁾ Stjtuð. EB nr. L 167, 22. 6. 1992, bls. 1.

um aðildarríkin, einkum með tilliti til Newcastle-veiki og fuglainflúensu.

SAMÞYKKT TILSKIPUN ÞESSA:

I. gr.

Eftirfarandi breytingar eru hér með gerðar á tilskipun 91/494/EBE:

1. Í stað 1. liðar þáttar A í 3. gr. komi eftirfarandi:

„1. hefur verið á yfirráðasvæði bandalagsins síðan honum var ungað út eða hann fluttur inn frá þriðju löndum í samræmi við skilyrðin í III. kafla tilskipunar 90/539/EBE. Alifuglakjöt sem er ætlað aðildarríkjunum eða svæðum aðildarríkja sem hafa verið viðurkennd samkvæmt 2. mgr. 12. gr. þeirrar tilskipunar skal vera af alifugli sem hefur ekki verið bólusettur gegn Newcastle-veiki með lifandi bóluefni síðustu 30 dagana fyrir slátrun.

Ráðið skal endurskoða þessa reglu, og taka afstöðu með auknum meirihluta til tillögu framkvæmdastjórnarinnar áður en löggjöf bandalagsins, sem kveður á um samhæfða notkun bóluefnis gegn Newcastle-veiki, öðlast gildi og eigi síðar en 31. desember 1994.“

2. Í stað annars undirliðar í 2. lið þáttar A í 3. gr. komi eftirfarandi:

„— sem er ekki á svæði þar sem af dýraheilbrigðis-ástandum eru í gildi höft er fela í sér eftirlit með alifuglakjöti í samræmi við löggjöf bandalagsins vegna þess að sjúkdómur hefur komið upp sem alifuglar geta smitast af;“.

3. Eftirfarandi málsgreinar bætast við 5. gr.:

„3. Þrátt fyrir ákvæði 1. og 2. mgr. má merkja nýtt alifuglakjöt, komi upp Newcastle-veikifaraldur, í samræmi við e-lið þáttar A í 1. lið 3. gr. tilskipunar 71/118/EBE með heilbrigðismerknu sem er lýst í a- og b-lið 44. liðar í X. kafla I. viðauka við tilskipun 71/118/EBE, að því tilskildu að slíkt kjöt sé af alifugli sem:

a) kemur frá bújörð sem er staðsett á eftirlitssvæðinu sem er skilgreint í 1. mgr. 9. gr. í tilskipun

92/66/EBE, en ekki á verndarsvæðinu sem er skilgreint í 1. mgr. 9. gr. í tilskipun 92/66/EBE, og sem faraldursfræðilegar rannsóknir hafa sýnt að hafi ekki komist í snertingu við sýktar bújarðir;

- b) kemur úr hópi þar sem fimm dögum fyrir brottsendingu hefur verið gerð veirufræðileg rannsókn með neikvæðri niðurstöðu á dæmigerðu úrtaki úr hópnum; úrtakið skal tekið af dýralækni sem er tilnefndur af lögbæra yfirvaldinu;
- c) kemur frá bújörð þar sem klínísk rannsókn gerð af dýralækni sem er tilnefndur af lögbæra yfirvaldinu sýnir engin klínísk einkenni eða önnur sjúkdómseinkenni sem gætu bent til Newcastle-veiki; rannsóknin verður að hafa farið fram á síðustu 24 klukkustundunum áður en alifuglakjötíð er sent af stað;
- d) með fyrirvara um ákvæði 3. liðar þáttar A í 3. gr., er fluttur beint frá upprunabújörðinni til sláturhússins; flutningatækin skulu innsigluð af opinbera dýralækninum og hreinsuð og sótthreinsuð fyrir og eftir hvern flutning;
- e) hefur verið rannsakaður í sláturhúsinu við skoðun fyrir eða eftir slátrun, með það að markmiði að greina sjúkdómseinkenni Newcastle-veiki.

Aðildarríki sem nýta sér þessi ákvæði skulu tilkynna hinum aðildarríkjunum og framkvæmdastjórninni innan fastanefndarinnar um dýraheilbrigði um ráðstafanir sem þau gera á þessu sviði.

Mæla skal fyrir um almennar viðmiðanir fyrir sýnatöku, hve oft hún skal fara fram og skilyrði sem ber að hlíta við framkvæmd a-, b- og c-liðar í samræmi við málsmeðferðina í 17. gr., að höfðu samráði við vísindanefndina um dýraheilbrigði og fyrir 1. janúar 1995.

4. Framkvæmdastjórnin skal, fyrir 1. janúar 1998, leggja fyrir ráðið skýrslu um reynslu sem hefur fengist við framkvæmd þessara ákvæða, ásamt hugsanlegum tillögum sem ráðið skal taka afstöðu til með auknum meirihluta.“

4. Eftirfarandi komi í stað 10. gr.:

„10. gr.

1. Nýtt alifuglakjöt skal vera frá löndum:

a) þar sem fuglainflúensa og Newcastle-veiki eru samkvæmt lögum tilkynningarskyldir sjúkdómar alls staðar í landinu í samræmi við alþjóðastaðla;

b) sem eru laus við fuglainflúensu og Newcastle-veiki, eða

sem, enda þótt þau séu ekki laus við þessa sjúkdóma, beita ráðstöfunum til að hefta útbreiðslu þeirra sem ganga að minnsta kosti jafn langt og þær sem mælt er fyrir um í tilskipunum 92/40/EBE og 92/66/EBE.

2. Frekari viðmiðanir sem eru notaðar við flokkun þriðju landa með tilliti til 1. mgr. skulu settar í samræmi við málsmeðferðina í 17. gr. fyrir 1. janúar 1995.

Við framkvæmd 1. mgr. skal framkvæmdastjórnin með vottun gera allar nauðsynlegar ráðstafanir til að varðveita dýraheilbrigðisástand sem ríkir á tilteknum svæðum bandalagsins.

3. Framkvæmdastjórnin getur, í samræmi við málsmeðferðina í 17. gr., ákveðið með hvaða skilyrðum ákvæði 1. mgr. eigi að gilda aðeins um hluta af yfirráðasvæði þriðja lands.“

2. gr.

1. Aðildarríkin skulu samþykkja nauðsynleg lög og stjórnslufyrirmæli til að fara að tilskipun þessari eigi síðar en 1. janúar 1995. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þau verða birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem samþykkt verða um málefni sem tilskipun þessi nær til.

3. gr.

Tilskipun þessari er beint til aðildarríkjanna.

Gjört í Brussel 22. desember 1993.

Fyrir hönd ráðsins,

J.-M. DEHOUSSE

forseti.